

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

Ikummatissat akitsorneqarnerat pissusissamisut ingerlanneqarsimanersoq qulakkerusullugu, isumaqatigiissutit allallu aqqutissat aaliangiisoqarniarnerani aqqutigineqarsimanersut paasisaqarusullunga matumuuna apeqqutinik saqqummiussivunga:

- 1. Polaroilip Namminersorlutillu Oqartussat isumaqatigiissutaat akitsuinermi malinneqarsimava?**
- 2. Ikummatissat akiinik qaffaasoqassatillugu piginnittut sinnerlugit kikkut aaliangiisartuuppat?**

(Inatsisartunut ilaasortaq Evelyn Frederiksen, Siumut)

Tunngavilersuut

Ikummatissat akiinik qaffaaneq ulluinnarni inuuniarnermut kalluaasusaaq, akinik ilaatigut annertuumik qaffaasoqarneranik kinguneqassamat, aqqutissat tunngavissallu malinneqartussat eqqortumik malinneqarsimanersut, soorluttaaq ikummatissat akiinik qaffaaniarnermi qanoq periuseqartoqarsimanersoq, apeqqutit tungavigalugit ilanngullugu Nalakkersiusunit qulaajarneqaquara.

Ukiorumi ikummatissat akitsornerini inuuniarnermi nanertuinissamik annertuumik nassataqartusaaq takusinnaagakku.

Apeqquteqaatimma ullut suliffiusut qulit iluanni akineqareersimanissaat kissaatigaara.